

# Övvehangmandate

Weil de Rejierungsperiode,  
die me de leißte vier Johr hodde  
met Kanzlerschaff on Kabinätt,  
allmählisch op et Äng aajeet,  
send me at werrəm opjeroofe,  
em Härps nom Wahllokal ze loofe,  
fü dann en Röetsche, Bäreschröth, Hääle  
ene nöjje Bundesdaach ze wähle.

An alle Strooßeäcke kläeße  
an Wäng on Litfaßsüüle ävve  
at jetz de jruße Wahlplakate  
met luuter Köpp van Kandidate.  
(Die naats em Bätt van Wählerstemme  
on at van de Diäte dröome.)

De Meenungsforschungsinstitute  
befroore Lü, wat se vermute,  
wievöll Prozänt de Lenke, Räete  
on Schwazze, Rude kriije werde.

On döbej jöf et suvöll Theme  
zo alle mööschliche Probleme.  
Dauch Wahlkampftheme send net mih  
ernöjjebare Enerjie,  
net Kita-Plätz, net Mindeßlühn,  
net Tankstállprieße van Bänsin,  
net Schnüffeleje em Jeheeme  
en Kommunikaziunssysteme,  
net waggelije Euro-Staate -

— Et send de Övvehangmandate —

On dat die övvehaup äntstonn,  
hät met os Wahlsystem ze donn.

De Wähler hant laut Wahlsystem  
en ieschte on en zweide Stemm.  
Dat ieschte Krüz dat eß jedaat  
für dä deräkte Kandidat.

Parteie, die em Ränne lijje,  
schlont os *die* füze wähle vür.  
Der met de mięschte Krüze jelt  
en senge Wahlkrees als jewählt  
on kött als Volęksvertreter en  
et Parlamänt *deräk* ęren.

On met dat Krüzje Nommęre zwei  
dę wähle me dann en Partei,  
zom Bejspell Kreßlich-Demokrate,  
de Rude, Jröne, de Pirate,  
de Lenke on de Liberale,  
en Bayere de Kreß-Sozjale.  
Me weeß am Qvend nę de Wahl  
us all dat Zahlematrijal,  
wie die Parteie en Prozänt  
em Parlamänt vertroęne send.

Met wenijer wie fönęf Prozänt  
van alle Wählerstemme könnt  
en kleen Partei ięsch janet en  
dr nöjje Bundesdaach ęren.

Nu kann sisch em Extreemfall ävve  
die Sitewazijuun erjävve,  
dat en Partei ens irjenswie  
met ięschte Wählerstemme *mih*  
deräkte Kandidate krit,  
wie dä Parteiproporz erjit.

Fü *kleen* Parteie eß dat schläet  
on – wie se meene – onjeräet.

Dröm hędde Lü vam Bundesdaach  
bejm övveschte Jerisch jeklaach,  
on van Juriste präöfe lösse,  
wat ens Politiker beschlösse,  
ęf net dä fuule Kompromiß  
jääje et Ironkjesätz verstüß.

On promp hät dat Jerisch äntscheede:  
»Et Ironkjesätz dat jelt fü jede!

*Dä* Vürschlaach, dat Problem ze löse,  
dä wid van os zeröckjewese;  
dann dä eß net verfassungsmääßisch  
on domet leider onzolässig.«

Dq moote Politik-Experte  
die Wahljesätze nöi bewerte,  
fü mööschliß flöck em Wesentliche  
die Setzverdeelung uszejliche.  
Jetz krijje döröm nq de Wahl  
och *kleen* Parteie prozäntual  
je nq de Afstemmaresultate  
*zosätzlich* och e paa Mandate.  
On Optimiste jlööve jetz,  
dat met dat nöjje Wahljesätz  
bestemmp bejm Dividiere emme  
de Setzverhältnis werrem stemme.

*Een* Konsequänz us dat Theate  
met all die Övvehangmandate  
wid ävve sen: et jit dann völl  
mih Afjeordnete wie Stöhl.  
Dröm könnt die janze Akzion  
de Stüezahler düe ze stönn.  
Me bruch fü die Persönlichkeete  
dännääks mih Setzjelääjeheete,  
damet die Schwazze, Jäele, Rude, Jröne  
bej Sitzunge sisch sätze könne.  
Die send zosätzlich aanzebrenge,  
wq Plaatsch eß, vüre ode henge.  
Dat wid en schön Stang Stüejäld kqste!  
Dauch dat eß net dr jrözde Pqste.

Dat zosätzliche Personal  
em renovierde Sitzungssaal  
krit sälefsverständlich e Jehalt  
vier Johr lang pünklisch usbezahlt.  
Dat send als Arbeitsluhn fü jede  
de Afjeordnetediäte.

Janz bellisch wor Demokratie  
en de Verjangeheet nauch nie.  
Dauch prieswert eß se allmqql.  
Dat stemmp os werrem höfnungsvöll.